


Ирткен, полчатхан-полар, полар тус причастиелери



Ирткен тус причастиелери

Хакас тілінде ирткен тустың ікі причастие формази пар:

- а) **–ған (-ген, -хан, -кен, -ан, -ен)** аффикстіг;
- б) **–ғалах (-гелек, -халах, -келек, алах, -елек)** аффикстіг.

-ған (-ген, -хан, -кен, -ан, -ен) аффикстіг ирткен тус причастиезі

Иділістің өөніне алай төстігіне **–ған/-ген** (гласнайларға паза, **ғ, г, ң** согласнайлардаң пасха, үнниг согласнайларға тоозылчатса), **–хан/-кен** (туных согласнайларға тоозылчатса), **-ан/-ен** (**ғ, г, ң** согласнайларға тоозылчатса) варианттыг хозым хозылып пүтче. Гласнай тапсаға тоозылчатхан иділістерде фонетика законы хоостыра **ғ, г, ң** согласнайлар ікі гласнайның аразына кір парза, тўс халчалар, орныларында узун гласнай пүт парча. Көзидімнер: *Мин хаар**ған** итті чидім. Ізем хаарған итке прайзы хынча. Ағам өскірген ағастар пөзік пол партырлар.*

че:

*Сыйлаан (сыйла**л**ған) книгалар ибде халзыннар, пасхаларын библиотеказар пирібізерге чарир. Өөрөм сыйлаан книгаларны ам даа мин хайраллапчам. Атхан ух айланмачаң. Мин атхан ух таңмаа теер парған. Кичее тартхан хырада хустар*

чыыл партыр. Пабам тартхан хырада чир нымзах полган. Іңем саган інектің сүді көп полтыр. Саалган інектерні чахсы азырааннар.

Итірбинчеткен формазы, тус хозымы иділістің итірбинчеткен өөніне хозылып, пүтче: *садылбаан* (<садыл+ба+ган) *книгалар, көрбеен* (<көрбе+ген) *чир, паспаан* (<пас+па+ган) *пічік*.

Чоохтағда пу причастие, пасха причастиелерөк чіли, өөнінде чарытхы полча: ...*позы суг хазында хурутхан итнең хурутхан пызылахты кимір сыххан*. (НД). *Оол, пазын төбін тудып, пызырған чілең салдапчатхан* (ИК). *Кинетін ол чайа тасталған хум-палгаста улуг істер көр салган* (МТ).

Піс көрген хорғыстыг чааны

Ам өскен төллер көрбезін! (МК)

Піреде **-ған (-ген)** аффикстіг причастие чоохтағда, иділістің алнында турып, аны чарыдып, **хайди?** сурыға нандырча. Андада ол обстоятельство полча. Піреде оларның палғалысчатхан сөстері пар полчалар:

Хыс пала, андар айланып, көрібіссе, часпынаң анықох тузындағы чиит оол мылтығын тайан салған турча (МК). (**Хайди турча?** – тайан салган турча. Сын оңдайнаң “тайан салып” поларға кирек).

Якын ат үстүнде хыйын одырыбысхан килир (ВК). (**Хайди килир?** – хыйын одырыбысхан килир. Сын оңдайнаң “одырыбызып” поларға кирек).

Иділгелек ирткен тус причастиезі

Иділгелек ирткен тус причастиезі, иділістің өөніне алай төстігіне **-ғалах (-гелек, -халах/-келек, -алах/-елек)** хозым хозылып, пүтче. Хайдағ иділістерге хозымның хайдағ варианттары хозылчатханы **-ған (-ген, -хан/-кен, -ан/-ен)** хозымнина толдыразынаң төөй.

Пу причастие формазы итірбинчеткен тузалағ полча. Ол чоохтанчатхан тустың алнында иртірілбеен, че соонаң иртірілері сахталчатхан (сағылчатхан) действиені таныхтапча. Көзідімнер: *тоозылгалах тоғыс, килгелек палалар,*

нысхалах чистек, сыххалах күн, өскелек порчолар.

Чоохтағларда пу причастие, өөнінде ідөк чарытхы полча: *Узурылгалах хуруз хоолганнар чил-танга ам даа сыгырыс турганнар (Ф.Бурн.). Оортахта көгер турган таглар кистінде ам даа тургадах күн азыр сустарын сыгар салтыр (Н.Т.).*

Пирілген чоохтағларда **-ғалах (-гелек)** причастиелер паза оларның полызиинаң пүткен чоох кизектері чарытхы полчалар. Че предмет тузальығ пол парзалар, чоохтағның пасха даа членнері полып киректелчелер.

Полчатхан-полар тус причастиезі

Пу причастие, иділістің итірчеткен алай итірбинчеткен өөніне **-чаң (-чең, -чаң/чең)** аффикс хозылып, пүтче: *тогынчаң чир*. Гласнайларға паза үннің согласнайларға тоозылчатхан өөннерге **-чаң/-чең** варианттар, туных согласнайларға тоозылчатханнарына **-чаң/-чең** варианттар хозылчалар: *тогынчаң чир, тынанчаң күн, пирчең ахча, сатчаң нима, пөкчең сан.*

Итірбинчеткен формазы, тус хозымы иділістің итірбинчеткен өөніне хозылып, пүтче: *садылбачаң (<садыл+ба+чаң) көгенектер, паспачаң (<паспа+чаң) тогыс.*

-чаң (-чең) аффикстіг причастие аллығ тузальығ форма полча. Ол полчатхан даа, полар даа тусха теелчеткен признак-действиелерні таныхтапча. Полчатхан тусха теелчеткен действие өөнінде предметтің төөле, хачан даа полчатхан, аның чарылбас пілдірии полча. Аннаңар пірее істезігчілер, пу формадаңар, аллығ полчатхан тусты таныхтапча тіп, пасчалар. Көзідімнер: *Түрчедөң чүгүрчең аттарға мүнчеткен кізілер алтанглаан (ФБ) - полар тус.*

Чоохтағларда пу причастие, өөнінде ідөк чарытхы полча: *Госпиталь настыгы агаа тогынчаң кабинетічек таап пирген (Н.Т.). Хан тартчаң оттар салглап, пүрлернең Сабистің холын сарыбысханнар (НД).*

Халғанчы чоохтағларда **-чаң** аффикстіг причастие предметтің төөле признагы полчатхан действиені таныхтапча.

Полар тус причастиялары

Хакас тилинде ики полар тус причастиялары пар:

- 1) **-ар/-ер** аффикстиг
- 2) **-гадаг (-гедег)** аффикстиг

Өөн полар тус причастиясы, идиликтин төстигине алай өөніне **-ар (-ер)** хозым хозылып, пүтче: *тогынар чир, үгренер палалар, хазар оймах, чоохтур чоогым.*

Гласнайга тоозылчатхан идиликтерде, **-ар (-ер)** хозымны хосса, идиликтин соондагы гласнай паза хозымнын гласнайы **И** гласнайга айлан парча: *узур пала, төлур ахча.*

Пу полар тус причастиянын итирбинчеткен формагы **-бас (-бес, -пас/-пес, -мас/-мес)** хозым полызиинан пүтче: *сыдабас кизи, чөрбес аалчы, садылбас кинтер, үребес көгенек, соммас чир, тоспас харын, өспес агас.*

Тузагы: -ар (-ер) хозымнын полар тус причастиясы чоохтанганнан соонан иртирилер алай иртирилбес признак-действиени таныхтапча. Көзидимнер: *Ол оңдайнан капитан аттарны көргөп, армия парар аттарны прай чара палгаттырган (И.К.). Колька, парар чирин көзидип, пазын икинче... (АК).*

Полар тус причастиясы, полчатхан-полар тус причастиясыок чили, удаа предметтин төөле (сыбыра полчатхан) пилдириин таныхтапча. Көзидимнер: *Инчи кизинин чүреене турар ниме пар ба ни? Тыс пилбес апсах. Аяг пилбес кизилер.* Пирилген чоохтагларда полар тустагы причастиянын орнына полчатхан тус причастиясын тургызарга чарир: *Аяг пилбес (// аяг пилбинчеткен) кизилер.*

Чоохтагларда пу причастия, өөнінде идок чарытхы полча:

Полар тус причастиясы, пасха причастияларок чили, предмет тузалыг пол парып, өөнінде тартылгы формада существительнайларга төөй хубулчалар, чоохтагда чарытхыдан даа пасха членнер полып киректелчелер.

Икинчи полар тус причастиясы идиликтин төстигине алай өөніне - **-гадаг (-гедег, -хадаг/-кедег, -адаг/-едег)** хозым хозылып пүтче. Хайдаг идиликтерге хозымн хайдаг

варианттары хозылар **-ған (-ген...)** хозымның хозылчатханына төөй. Гласнайға тоозылчатхан иділістерде ідөк **Ғ, Г** согласнайлар, ікі гласнайлар аразында пол парып, тўс халчалар, орнында узун гласнай тапсағ пўт парча: *тогын-гадағ оол, көр-гедег кино, сап-хадағ от, ит-кедег тогыс, чуртаадағ (<чурта-гадағ) аал, сағ-адағ інек.*

Итірбинчеткен формазы, иділістің итірбинчеткен өөніне **-гадағ (-гедег)** хозым хозылып, пўтче: *тогынмаадағ (<тогынма-гадағ) машина, чағбаадағ наңмыр, килбеедег аалчылар.*

Тузазы: Пу форма, чоохтанчатхан кізінің сағызынаң паалаанынаң, иртірілгедег алай иртірілбеедег пілдіріг-действиені таныхтапча.

Тузаланчаң литература

1. Хакас тілі. Морфология. 021700.02 Филология (Хакас тілі паза литература) специальностьча үгренчеткен студенттерге үгредіг пособие / филнд Карповтың В.Г. редакциязынаң. – Ағбан: Н.Ф. Катановтың адынаң Хакас хазна университетінің изд-возы, 2004. – 220 с.
2. Грамматика хакасского языка / Под ред. Баскакова Н. А. – М.: Наука, 1975.
3. Дыренкова Н.П. Грамматика хакасского языка. – Абакан, 1948. – 124 с.
4. Карпов В.Г. К проблеме о частях речи в хакасском языке // Ежегодник Института саяно-алтайской тюркологии. Вып. V. – Абакан: Изд-во Хакасского гос. ун-та, 2000. – С. 15-24.
5. Лингвистический энциклопедический словарь / Гл. ред. В.Н. Ярцева. – М.: Советская энциклопедия, 1990. – 685 с.
6. Хакасско-русский словарь / Под ред. Баскакова Н. А. – М.: Главиздат, 1953. – 485 с.
7. Хакасско-русский словарь / Под ред. Субраковой О. В. – Новосибирск.: Наука, 2006. – 1114 с.